

摛藻堂四庫全書薈要

集部

欽定四庫全書叢書要

集部

鐵崖樂府補卷一至六

詳校官助教臣謝登雋



欽定四庫全書

舊要卷一萬六千五百三十一

集部

鐵崖樂府補卷一

元 楊維楨 撰

荆卿失匕歌

風瀟瀟水濶濶馬嘶燕都夜生角壯士悲刀拔削胡徐  
嫌七尺八銛函中目光射七尖樊於期首先王地下汗如雨

七機一失中銅柱後客不來可柰何十三小兒面如土  
擊筑復擊筑壯士漸離重瞳目倉君倉君亦何為博浪  
沙走千金椎君不見鎬池君壁在水龍腥忽逐魚風起

於乎刺客死君王不用買俠才留取千金買方士

一作易

水歌而  
語稍異

補梁毗哭金辭

并引

隋大理卿梁毗為安寧刺史凡蠻長以金多者  
為豪俠遙相攻奪首長相率以金來遺毗毗置  
金座側對之慟哭曰此物饑不可食寒不可衣  
汝等以此相滅今將此物來又殺我邪一無所  
受余為毗補哭金辭

汝金來叶我今與汝辭汝鋒不犀能斫我頸汝液不鴉  
能折我肌金谷汝剝首金鳩汝焚尸金鬼汝滅族金牛  
汝喪師故我與汝永訣誓不為安寧貪刺史寧為齊黔  
婁魯榮啟期

補日飲毋苛辭

勸君酒呼酒來叶尚方肉食有腊毒天賜我酒壽君金  
屈卮君不見漢家中郎絲廷毀丞相斤嬖兒吳中脫死  
歸阿種絳者勸以日飲毋苛鬪雞走狗嘻不則利劍刺

君君莫支於乎十七客肩相隨培生日者弗能知阿種  
真好兒

冰山火穴詞

冰山不可倚冰破割爾足火穴不可附火燎爛爾肉君  
不見魏其侯門下客獨厚灌太僕太僕相引重勢若繩  
合束身服朞功更與一作為結歡田相國相國席上縛騎  
兵首懸東市及支屬魏其侯尸渭城東朝有制不可贖

月氐王頭飲罷歌

黑風吹瓠瓠不流冒頓夜斷強王頭黃金留犧擾玉斗  
一飲一石酥馳秋眼紅嚙嚙生血聚汗滴石樓濕青雨  
石汗蓋骨髓隱語也鬼妻扣骨骨欲膺精禽飛來作人語黃雲壓  
日日欲頽將軍回首李陵臺君不見漢家西風凋細柳  
老上單于誇好手棘門胡盧可盛酒

附張憲和辭

持爾月氏頭飲我虎士頸虎士飲之怒生癭猩紅酒  
熟黃金柈淋漓猶疑血未乾雄心如劍四五動倒蘸

狼山海波湧帳前按劍千熊羆耳熟聽我歌谷蟲此  
杯持勸蘭夫子烏能持勸武陽兒

附李費和辭

先生作月氏王頭飲器歌雖李長吉復生不能  
關其雄棘門胡盧蓋託今反面事讐者讀者不  
知其微費僭和之

太白入月月欲頽胡風吹度白龍堆血函模糊截仇  
首半乾割作玻璃盃目皆生紅酒微瀝戎王胸堂沃

焦熱青氈帳下唱胡歌三十六國肝膽裂金篦攬紅  
紅欲凝腦中猶作銅龍聲千年古恨恨未平怨魂飛  
作精衛精君不見漆身復仇仇未復地下義人吞炭  
哭

余讀費辭為之擊凡而歌費真狐精也時鐵門  
和者稱張憲明日費辭至憲拜之曰吾當放君  
一頭取已作而焚之余復技癢作些月底頭歌  
令費和之費謝曰某氣竭矣

嗚呼老氏顛大如斗眼中燐吹欲腥游魂夜哭燈前走  
夢呼老氏顛在手倒瀉一聲索郎酒嗚呼飲月氏酒船  
不倒劉伶屍酒淋汝顛胡用悲君不見左賢截落血九  
頂藜疾營邊作溺皿

附顧亮和辭

月氏王頭歌古作數十篇未有能發其雄憤者  
及觀先生之作皆是玉樓鬼不能道者發其千  
載雄憤為古今絕唱一時和者不許張憲而獨

稱賞李費費真狐狸精也亮不敏何敢望費以  
先生之命僭和之

月氏肉碎如雪月氏顱勁如鐵快劍一斫天柱折留  
取胡盧飲生血冒頓老魅呼月精夜酌葡萄隴月明  
鬼妻蹋地號我天可汗天靈哮虎聲嘶酸於乎顱兮  
顱兮汝勿悲我今酌汝金留犂黔州都督有血頂精  
魂夜夜溺中啼

楚國兩賢婦并引

列女傳楚王持金聘接輿夫負金甌妻戴祚器  
變易姓名而遠陟莫知所之老萊耕蒙山之下  
楚王以璧帛聘之不至王駕至老萊門妻曰可  
食以酒肉者可隨以鞭箠可授以官祿者可隨  
以鉄鉞遂與老萊棄畚而去

楚國兩賢婦婦夫輿與輿寧隨夫婿餧牛下不願夫婿  
專城居投畚却車駕挈器采樵蘇嗚呼今丈夫棄耕貪  
祿向粟萬鍾養孥句孥未養身受醢菹禍及其家叶永

為二婦笑鄙夫

楚妃曲并引

琴論有楚妃歎七拍楚妃樊姬也余嘗論楚妃之德不妬而善諫不妬者進後宮九人善諫者止王之獵笑虞丘子也古辭未及諫事惟張籍及之故吾辭亦取興於獵云

朝游田雲夢藪莫游田雲夢藪樊姬諫不售矢不食田中獸妾願王王壽考叶獵賢才開伯道楚國夔龍孫叔

兒非麟非虎非熊羆虞丘子真狐狸

慈雞田

補魏公子乳母  
辭見列女傳

秦下令購魏狐匿孤罪族俱屠嗟慈雞獨哺雛秦令毒  
毒如狐慈雞知有雛不知有孤搏我軀

牝雞雄

并引

列女傳伯嬴秦穆女楚昭王之母也吳王入郢  
妻昭之妻又欲妻其母嬴嬴伏劒不可犯而止  
為作牝雞雄補樂府歌

牝雞雄秦氏熊公谷書  
熊作能吳王入楚妻後宮牝雞雄把劍  
夜嘯生悲風夫亡子遁誰適從人言秦雞解逐鳳不知

牝逐孤飛龍

秦女休行

秦氏有烈女自名為女休叶盧左手執白揚刀右手把烏  
龍父年十五妻燕王夫燕王陷無辜取仇西山上殺人  
白晝衢關吏不敢睚眦司敗莫孰何叶乎於乎殺人者殺  
創人者創女休豈敢避法走藏累嫂與兄使縣吏解章

女休自歸罪丞相列坐東南牀丞卿議罪拘文法故常  
牽曳東市頭法刀利如霜刀未下金雞銜赦出法場百  
男盡短一女長嗟嗟女休真女郎丈夫堂堂掩面事仇  
女休眎之如妾婦女娼

木蘭辭 并引

木蘭古辭二首世疑金柝鐵衣句非漢魏語余  
觀二辭前辭為古後詞蓋又擬者之作也吾為  
此辭又將發蘭之所未發也

金龍鼓龍行人且勿行木蘭換衣裏戎裝木蘭戴  
金鉅鉸著鐵衲襠右手鴈翎刀左手月輪弓叶跨上八  
尺馬輕若飛鴻翔木蘭父老下無丁弟上無壯王兄叶  
木蘭代父前我行我羌健兒八尺長不知木蘭弱與強木  
蘭與跋跋誰雌誰復雄叶健兒何草草木蘭何堂  
堂東市斫西市斫相斫似阿若郎楊若阿事擒賊報信歸報  
我國王國王賞功爵名字始知木蘭是女娘女娘安用  
尚郎請移木蘭爺娘當國王進忠良制我羌垂衣裳不

下堂木蘭去兵亦為婦採桑

羅敷詞一作陌

上桑

盈盈秦氏女采桑南陌頭一顧雲不飛再顧水不流使君立五馬招微重回頭豔歌為君發繁絲為君撚使君有婦如有妻羅敷有夫非秋胡使君喜使君愁羅敷不得須臾留

漂母辭

諸母漂泗濱一母眼中識窮人盤有餘餃及汝王孫竟

我漂食踰兼旬王孫封王報母以千金叶丈夫養賢不  
如漂仁又豈知鐘室妬婦殺功臣過客醉墓千千春

鳳皇曲

頭吟即白

鳳殊栖皇悲啼比翼不如鳬與雞皇悲啼鳳殊栖造端  
不能合隙終不能睽卷衣香未歇薦琴絃未絕昔日連  
環心今朝兩分別乃知茂陵女未求溝水已作東西流

長門怨

阿嬌盼美目阿嬌貯金屋金屋瑤華春未老長門一夜

生秋草蜀才人金百斤受金為我賦長門長門寫春愁  
君王見之為傷秋臨邛溝水東西流不知悲婦悲白頭

燕燕步蹠蹠

燕燕步蹠蹠飛燕善飛步飛附陽阿主燕燕尾涎涎飛宿昭

陽殿啄子啄及矢誓斷涎涎尾梟其首斷其

手帝怒語也十四月虹

流輝望堯門方是耶非

帝以其姪踰十

市犢歸鵠鳳飛

玄宮之人兮白華綠衣

燕譜班姬退處東宮作賦自悼白華綠衣賦中之語也

焦仲婦

并引

舊序言仲廬江小吏漢安時人古辭凡十七言  
予嫌其辭過冗而情不倫復述此辭

劉氏有好女十三能織素十五能箜篌十六通書數十  
七為焦氏婦得意焦氏夫失意焦氏姑阿母謂阿仲汝  
去爾婦爾婦自專不受驅東隣有女如羅敷吾與汝聚  
如水與魚阿仲孝母復愛妾愛妾愛必割母命不可違  
斯須仲去婦無七辜為吾謝外姆破鏡母再合斷絃當  
再續聲平婦感仲區區誓天日不再家叶姑君如磐石妾如

葦蒲葦蒲繞石石不車但苦親父亡父亡有暴兄叶暴

若豺與狼迫我再事人不得留母堂脫我舊絲履重作

嫁衣裳腰襍繡華袜耳著明月鑰團扇畫雙鸞笙虞彈

鳳皇蓋若市門使我掩面不得藏昨日縣令媒云有弟

三郎今日府君媒云有弟五郎金鞍玉膾馬青雀白鵠

舫平聲雜彩三百端齊錢三萬鎰平聲仲婦不得懼違我暴

兄叶寧違暴兄死不違焦仲使意傷矢為焦家一姓婦

不為他婦食二家水漿開戶四無人投身赴滄浪焦仲

聞之裂肝腸挂身一在枯枝桑雨家含塋廬水傍暴姑  
悍兄淚浪浪

蔡琰胡笳辭

胡笳悲胡笳悲遭家喪亂胡越各東西漢南破鏡天上  
飛照鏡重畫闕氏眉衣毳如絲食乳如飴日積月漬口  
語侏離夜看北斗在南垂胡天草青十二暮死甘胡鬼  
狼山坡漢大將軍念中郎氏不嗣贖以十萬貲單于貪  
鄙輕合與離岑蘆吹笳送南歸碧睛狼子褫母衣嗟爾

去住猶狐疑一步一遠足踟躇皇天白日不照父母國  
偏照子母私心懸懸長如饑我作爾調憤益悲彼狼子  
胡足慈不見世達獸行兒獸行妻母忍死母向鴉一卮  
十八拍之悲在二離且豈為失身之悲耶唐劉商和  
十八拍其詞曰生得天屬親仇讐結恩信善言其悲  
而不知有破其悲者先生詞云皇天白日不照父母  
國偏照子母私既諷之以大義而世達獸行妻母忍  
死者又警之以往事之必至者使姬聞九冥其不愧

且服乎

銅雀妓

火龍狀銅雀翔漳河水鼎中央魏武王安得萬萬壽長  
生銅雀宮叶百歲葬西岡銅雀妓不得與金銀珠寶同  
埋藏臺上六尺牀牀下總帳奠酒張月十五作伎以為  
常更令登高臺而望西陵良漳河水啾啾東下不回頭  
銅雀妓漳河流試問臺上妓何不殉死如秦丘

黃花詞

穆后

椒壁闕丹丘網軒接瓊樓金人未成鑄玉冊竟為偶后  
裳輝錦襪伶衣亂珠鮑典禮既乖違綱維蕩無有百年  
神武基勢落清觴酒嗟哉金湯固一朝拉枯朽

黃花穆后之小字也本宋欽道奸私所生欽道伏誅  
黃花遂入宮有幸後主遂立之為后童謠曰黃花勢  
欲落清觴滿杯酌後主自立穆后昏飲無度故云清  
觴滿杯酌言黃花不久也

菖蒲花辭

馮小憐

黃花落菖花開勸君續命酒金琶聲若雷晉州古城鐵  
甕裂大人石點燕支面玉鏡高臺畫眉未蟠蛇陣前看  
兒戲馬上走戎裝緝衣上身何短長風起華橋日落  
漳河道為君始為君終菖花不如美人草

馮淑妃名小憐慧黠能彈琵琶工歌舞穆后從婢后  
愛袁以五月五日進號於後主曰續命周師取平陽  
帝獵於三堆晉州告急帝將還淑妃請更殺一圍自  
晉陽以皇后衣至帝為按轡命淑妃着之然後去及帝

遇害以淑妃賜代王達因作絃斷詩曰雖蒙今日寵  
猶憶昔時憐欲知心斷絕應看膝上絃隋文帝賜達  
妃兄李詢令着布裙配春詢母逼自殺

綠珠行

主家高樓起金谷買妾不惜真珠解美人買得一片心  
不買青眉與明目手持玉笛吹鳳皇擣漢蕭史雙顏頑  
樓頭侍宴宴未徹甲光一片樓前雪神珠一點擲畫闌  
化作流星光不滅嗚呼珊瑚步障裂行人吊珠在古井

井中照見青天月石家妾石家哭二十四人金谷友吐叶

八駒道旁方拜履

題與九卷同而詞異

鐵崖樂府補卷一

欽定四庫全書  
會要卷一萬六千五百三十二

集部

鐵崖樂府補卷二

元 楊維楨 撰

金谷步障歌

金谷水派銀河流金谷峙據三神丘太僕卿君一作居十

二樓花草不識人間秋蜀江染絲雲五色紫鳳銜絲中  
夜織剪斷鯨濤三萬匹天女江妃不敢惜明珠量斛買  
蛾眉時時玉笛障中吹紅鸞翠鵲飛在地香塵蹋蹋凝  
流脂野鷹西來歌吹歇踏錦未收風雨梨樓前甲士屯

如雲樓上佳人墜如雪於乎董家郿塢金成泥鬼燈一  
點然空躋齊州奴何用爾只須豆粥與萍虀不見祇今  
金谷底野花作障山禽啼

五王毬歌

天河洗玉通銀浦雲氣成龍或成虎金絲剪斷黃臺爪  
翠綠五枝生五花讓王不在荆蠻俗李家兄弟真骨月  
醉歸何處戲毬場黃衣天人是三郎十幅大衾驚裂續  
西風夜入金雞障五馬一龍龍化豬大衲兒在黃金輿

青驃萬里垂叢路雄狐尚復將雌去涼州曲破可奈何  
至今玉笛憶寧哥

張憲跋曰國朝雅詠五王毬者多矣至吾鐵崖先生  
始以錦囊隱語帶史斷此其難也寧哥識破涼州諸  
王之所不及非老於史學孰能感慨至此哉

金人擊毬圖

靺鞨國鶻產仇赤藥半吐妖狐愁夾山丈雪走觸體黃  
羊紫酪滿神州麗春堂前春正好臘脂粧花絨剪草君

王自作擊毬戲說與似

一作

郎君莫相惱蜚虎幟蟠龍裘

烏紗頂換銀兜鍪四垂帶綰雙白月玉脰緊貼金籠頭

袒臂交肩捷遇烏鐵

一作赤

棒旋身電光繞一陣歡聲埽

地來火珠迸落雙華表盲骨天人赤龍鬚火伍要與常

人殊畫工俗筆不可摹謾作十國朝王圖於乎五國城

一丸土不為罕哥封國戶麒麟脫地地一裂千古毬場

弔禾黍

貝闕跋云自虞閭老賦金人出塞圖館閣推為獨步

先生賦金人擊毬圖脫去閣老胎骨無一語相襲金國始末此詩了之與閣老詩相頡頏奇句過之也

桃核杯歌

并引

道士余筠谷為予道長春真人事世祖皇帝幸長春館真人方晝寢盤桓久之始寤上曰真人何之對曰臣赴蟠桃宴上曰有徵乎曰有乃袖出桃核大如盤上神之玩不去手命左右持去真人請剖而為盃一以奉上而自留其一上命

置萬億庫永為我家鎮國之寶時館閣先生未  
有歌詠筠谷請曰此我朝奇事當得老鐵史奇  
語以傳世為補賦桃核杯樂府一解

西霞火龍躍罝風飛上萬八千里昆侖宮玉衡精結萬  
年果朔兒不敢偷春紅夢中紅日炎去聲金甲隆準天人  
臨臥榻笑問火龍何所之袖出連環大如榼雄雷走天  
天發威裂作兩扇鴛鴦梧神珠脫胎日月破鬼斧鑿竅  
乾坤開左扇入天府右扇留丹臺七星斷雙虹結天狗

天狼落如雪願承漢武掌中露不染田疆咽下血於乎  
金甌缺寶鼎遷鼎湖龍去何時旋八十一紀海水變桑  
田招霞師談後天雙梧復合十斛大甕磅礴嶺

阿鼙來操

并引

阿鼙來者即可汗波羅迴曲也吹之羌管被之  
四絃節為十有一拍始弄極慢不可節拍至六  
七弄漸促數為十一而止今効用李延年新聲  
補我朝樂府是曲之盛於詹大駕今鮮卑老將

復用軍中奏馬上樂君子不無感也已

阿鼙來阿鼙來十有一拍拍莫摧壯士卷蘆葉夜吹簫  
羅迴胡霜凋折柳邊風吹落梅龍城寒月覆如梧陰山  
狐狸奉首哀真人作統九垓一拍始天地開五拍六拍  
奎斗圓合歌金槽雙襯杪黃宮大絃聲若雷駕鶩頸殺  
羶胎鮮卑齊上萬壽柘大駕歲還龍虎臺阿鼙極阿鼙  
愁九九八十一春秋黃霧迷涿丘桃皮簾簾吹龍頭二  
十四絃如箜篌東青鵠雄糾糾白翎雀雌嚙嚙鮮卑老

將涕交流為君弄兜勒兜勒兜勒兜將軍怒髮豎鉅鋒龍  
跳虎擲走蚩尤

龍府云晉樂志胡角以應胡笳橫吹有雙角者是也  
張博望入西域傳其法於西京惟得摩訶兜勒一曲  
李延年因造新聲二十八解以為武曲

華山高

思美人兮西華山我欲往兮如天難上通帝座二氣之  
呼吸下衝龍門百折之昆仑源秦闕桃林之塞頭屬於

其左兮右抱萬頃白玉所產之藍田金天太白實主宰  
井鬼上應精靈躔巨靈一壁萬古不可合首陽下有根  
株連雲臺仙掌現真跡朱衣赤鬚垂橐鞬明星玉女不  
許以肉眼見兮玉盆綠水洒不竭一匹石馬誰來牽嗟  
你華山人不歸來兮徒留連人間塵土那可以久住白  
雲蹋爾希夷眠天池注腦晞綠髮玉漿渴飲饑食蓮伐  
毛洗髓不足較白日一暝三千年覺來招酒姆騎茅龍  
訪子先更呼山東李謫仙搔首問青天巨靈接見媧皇

前驚呼一笑軒轅之子彌明癲

太山高

巍乎高哉太山之山三萬八千丈兮五岳之伯萬山之宗上有雲官霞伯明星玉女金堂石室高重重三十六天第一洞是為蓬玄太空之上穹上帝賜以金篋之玉策司命下土開羣蒙自從崇伯子受命告厥功至今七十二君壇壝留遺蹤觸石之雲可以一朝雨天下封突起化作海島十二金芙蓉三神尚有漢武記五官不受

秦皇封東方有岩名日觀羊角而上千萬盤屈始窺大  
門小戶之天聰黃河西來如綫走其下齊州九點烟滅  
濛秦觀見長安吳觀見會稽周觀見洛嵩聖人登之天  
下小似東龜蒙家夜聞巨靈盪蹋西華峰流血下染洪河  
紅嵩高不生帝王佐常山蛇怪兩首而三瞳天上金烏  
下倒景大星僭曉芒角流妖鋒鐵道人手持一雌一雄  
雙鐵龍騎龍天闕叩天語夜拜日駕五色披祥虹天封  
地禪禮數絕徵兵三度謠嵩童博陸侯狄梁公虞淵取

日扶桑東太陽當天天下白照見地下幾丸蟲金頭蟲金  
頭蟲如蠻蠓

鐵崖樂府補卷二

欽定四庫全書叢要卷一萬六千五百三十三

集部

鐵崖樂府補卷三

元 楊維楨 撰

崆峒子渾淪歌

并引

老子言混沌於物未鑿之先鑿則死矣崆峒子名渾淪於既有形之後曰不死可乎而有不死者尸解後天弄丸先天是死不死辨也歌渾淪者亡慮百十家而又求予言故復叙之為鄭重其詞曉周柱史之旨者鄭遂昌張句曲幸出余

言質之

貞州道人鄭崆峒自言得道金公之棘栗蓬歸來因號  
渾淪子不識盤皇破殼之一作分雌雄有物先天鼻天祖

一畫天作公再畫地作母渾淪一破不可補羿妻合得

七寶丸歲費斧斤三萬戶道人渾淪人弗知竊笑李下

華顛兒有時中天弄金月散作萬水圓琉璃渾天圖太

極圖曰器曰道何紛然而況投閭子五千重草玄於乎

渾淪子爾之生兮曷以始爾之死兮曷以止九九八十

一曼紀渾淪不生亦不死

真仙謠并引

漢武帝曰天下豈有神仙耶惟節食省欲可延年耳武帝所謂仙者亦方士求諸吐納一丹一藥之為若天地間真仙在浩劫外者非武帝所能知矣因賦真仙謠

停君歌住涌嘑聽我歌莫莫後天有死長生可學瓶收  
七豕一紙剪雙鶴<sub>張綽</sub>盆花項刻開屏女相唯諾癡仙狡

猶弗之覺去尋王屋二子講太樸丹海烏沈水鑿黃河

九烈火暴

二子石曼卿蘇舜欽也。石云牛尾麟角成真少神仙言路不闢。書蘇公云丹海飛日烏玉

液朝元腦崑臺氣候

四時春紫府光陰

夜如曉亦只是吐納仙耳真仙不取

於乎後天一

一作

有死長生不可學西華傾東海涸問我在何處手持天  
根不盈握浩劫萬萬劫始胸之天幾褪黃卵殼

又有一首和狄仙人曰日月東墮而西

閑

江河東逝

而西旋乾坤顛倒吾自在真仙此訣將誰傳先生自  
言夜夢擊壤老人談詩曰身在天地後心在天地先

天地自我出其餘何足言鐵仙人自詫黃卯殼外非  
天自我出耶予謝之曰老人吾師也

獨酌謠

我約月槎客去向月宮遊試辨月中物山河之倒影大  
樹之間浮羿妻不死到今幾甲子山夷海突還紀宮中  
籌吾聞九州之外更九州君房曼倩不能週豈無湯桀  
與軒尤迭蠻迭觸尋戈矛久安長治安得萬歲而千秋  
君不見沙丘鮑烏江猿白門鬼荊州牛錦裯老鶴金床

小蠕邪溝又築汪芒丘淚亦不能為之墮心亦胡能生  
許愁采石袍赤壁舟古人不與今月在古月還為今人  
留呼酒重登黃鶴樓

湖龍姑曲

神絃十一  
中之一

湖風起浪如山銀城雪屋相飛翻白罿豎尾月中泣倒  
捲君山輕一粒浪中拍碎岳陽樓萬斛龍驤半空立雨  
工騎羊鞭迅雷紅旗白蓋蚩尤開青娥鬢髮紅藍腮紫  
絲絡頭雙黃能神絃歌急龍姑來

老姑投國璽

梁山崩六百年後符命興五將十侯至宰衡改漢臘  
頌新正五威符命走天下侯王稽首厥角崩老姑亦去號  
改新母稱置酒未央宮誰為朱虛按劍行酒令平聲吁嗟  
長樂孺子璽不得渭陵殉葬藏幽扃

曹大家

曹大家博文善著書著書豈獨識閨壺禍轍使我元舅  
歸先廬大家大家大夫婦如何我兄固不能勸元舅白

首同歸死圖

太后母新野君薨鄧隲乞行服太后不許以問大家大家上疏而隲引退

唐姬飲酒歌

并引

姬東海弘農王之妃也王為董卓所廢王死時與姬飲酒別王自悲歌姬起舞亦挽袖而歌之其詞有曰死生有路從此乖予猶嫌其不以死殉王而其詞如此故補之

皇天傾后地頽王降庶兮漢祚衰王作黃泉兮誓相隨  
王死胡用吾身為

辛家女

辛昆女

憲英

辛家女父書曾讀春秋經豈比喬家二女夜讀兵辛老  
人古遺直議郎云言一一闢社稷吁嗟英言光父則抱  
頸郎君砦如斗曹丕魏祚得之那可久十年而崩下夫人絕左  
右丕不反未若英言賢可后其決鍾會之必反皆英先識之明

王氏女

武治元年

王氏女始州人羌中老虎旁企羌名地朝接長安暮聚南  
山羣龐家大將王不敢嗔王氏女在虎口上馬與聯轡

下馬與飲酒老虎臥酣上馬走拔刀殺虎如殺狗王氏

女真奇勲錫以崇義號夫人不數李家娘子軍

柴紹妻  
李氏聚

兵萬餘號娘子軍  
會世民於渭北

喬家妾

并引

唐右司郎中喬知之有美妾曰碧玉武承嗣借  
以教諸姬遂留不還喬作綠珠怨詩寄之碧玉  
赴井死

石家有綠珠喬家有碧玉顏色上春花節操冬貞木金

谷樓鸚鵡井一隻白璧沈倒影

武氏剪甲詞

武襄女文皇妃叶羽兼厥嗣雄其夫立周七廟滅唐諸  
孤闕服袞冕執鎮圭叶郊祀上帝圜丘之墟於乎黜牝

晨之僭洗塵聚之汙復子厥辟退老椒廬何用拜洛受  
圖禪少室頌天樞雖不剪甲神其吐諸

安樂公主畫眉歌

銅鼓二鼓星如雪帳底春雲夢初熟羽林千騎開放聲

畫眉畫眉天未明結龍蟠飛鸞舞鏡中人皇太女畫眉  
不鑒長髮尼畫眉畫眉將何為墨書未罷斜封旨血浸  
三郎三尺水

桑條韋

并引

按史伽葉志忠曰順天皇后末受命天下歌桑  
條韋於是上桑韋歌十二首請編之樂府皇后  
祀先蠶則奏之余惜后晚年欲遵武后遺輶遂  
陷逆婦為賦桑條韋補詩之刺云

桑條韋着翬衣服后開靈館繅蠶絲順陰配陽立坤儀胡

后

開靈館繅蠶絲順陰配陽立坤儀胡

后

開靈館繅蠶絲順陰配陽立坤儀胡

后

開靈館繅蠶絲順陰配陽立坤儀胡

為乎牝乘雄黥面牝離飛籠兒婉小鸚折翅棲桑中

武

三

思

天子不敢令墨勅行斜封執法不敢言宮苑奪農功隆

慶池相王府

睿宗五子皆生於此

雲氣成龍亦成虎手提三尺正

天綱

臨淄王

一夜天星落紅雨

韋氏宗屬誅戮

迨盡

武氏襁褓兒無留者

桑條

韋枝已折葉已稀上陽不可宅飛騎不可歸天戈取血

不釁鼓灑祭定陵陵上土

中

通化門前衰布奴小白竿

頭畫眉女

宗楚宮衣斬衰乘青驥逃出通化門門者

唐命者比人也

雙雉操  
并引

晉王以練絳劉仁恭父子凱歌入晉陽獻太廟  
自臨斬守光守光曰死不恨然教守光不降者  
李小喜也王名小喜證之小喜嗔目叱守光曰  
汝內亂禽獸行亦我教汝耶王怒其無禮先斬  
之守光曰守光善騎射王欲成伯業何不留之  
其兩妻李氏祝氏讓之曰皇帝事已如此生亦  
何益請先死即伸頸就戮

雙雌雉錦繡襍朝呼鳳皇侷暮宿鴟鴞房兩雌角角聲  
稠將晉陽納艾如張小喜鵲子先飛揚一雄欲苟活兩  
雌誓溢亡於乎寧為兩烈死白刃不沾金籠異姓王

朱延壽妻并引

朱延壽之妹為楊行密夫人行密狎延壽延壽  
怒陰與田顧通謀謀泄行密詐為目病謂夫人  
曰吾不幸目疾府事當悉以授三舅夫人以書  
召延壽延壽至執而殺之延壽赴召時妻謂曰

此行吉凶未可知可日發一使以安我一日使不至妻曰事危矣部分奴僕授兵守門候捕騎至至則集家人聚寶貨火焚府舍曰妾誓不以皎然之軀為仇人所辱遂赴火死

夜聞目眚子肺腑變仇讐英英朱氏婦烈氣橫斗牛百口同日死一燎焚高樓伯姬錄爾卒誰執唐春秋

王承綱女并引

蜀軍使王承綱女將嫁蜀主聞其美色強取入

宮承綱力請之蜀主怒流於茂州女聞父得罪

自殺

王容女春花面璞玉軀青年已許東家夫如何君王亂  
禮法合歡重綰雙羅襦感君恩侍君酒但念高堂父與  
母願君知妾心使妾東家奉箕箒君一怒父萬里魂飛  
鸞刀逐父死不殉牽羊秦國鬼蜀主降封

商人妻

并引

楚順賢大夫貌陋而治家有法楚王希範憚之

既卒希範始縱聲色為長夜之飲內外無別有  
商人妻美色希範殺其夫而奪之妻矢不辱自  
經死

商人妻身栖栖家住湘纍湘西君王昨夜殺無罪良  
人白日歸黃泥妾非野鴛鴦生死雙鳳皇書寄回文錦  
臂纏紅守宮叶良人為我死我為誰知叶於乎司馬

后真犬羊甘奉巾櫛穹廬王

晉歸劉曜事羊氏

銀瓶女并引

宋岳鄂王之幼女也王被收女負銀瓶投水死  
今祠在浙憲司之右

岳家父國之城秦家奴城之傾皇天不靈殺我父與兄  
嗟我銀瓶為我父緹縈生不贖父死不如無生千尺水  
一尺瓶瓶中之水精衛鳴

鐵崖樂府補卷三

欽定四庫全書會要卷一萬六千五百三十四

集部

鐵崖樂府補卷四

元 楊維楨 撰

雨雪曲

并引

祖穆天子黃竹詩陳後主與江總皆有是作今

又以刺武氏

天蒼蒼地茫茫二月三月雪滂滂雨我黃竹濕衣裳天  
子不在黃竹鄉天蒼蒼地茫茫武壘兒高冠大履據堂  
皇唐家臣子三月以為祥

# 龍頭水

一日龍頭曲漢橫吹曲之一也

龍頭水交河津東行九回坂西通月氏東達秦貳師將  
漢家傑手摩龍泉七星滅此身未報主君仇釁妻再鑄  
千金鉤精誠豈識征夫侯

# 折楊柳

鼓角橫吹曲也

折楊柳楊柳不可折楊柳條十丈長與君繫馬青絲韁  
闊支婦剖黃鼠勸君銀馬乳楊柳聲作胡語楊柳枝作

# 胡舞

童男取寡婦

童男齒十六寡婦六六年俯就寡婦妃還受壯女憐壯女拊膺蹋地呼天俾妻鬼夫鬼夫指童男出征死寧作生口老死

不傳火風起燒野田野鴨逐胡鴈胡能牽連飛上天

演紫

驅馬辭云野火燒野田野鴨飛

上天童男取寡婦壯女笑殺人

上陵者篇

宋樂志銚歌

十五之一也

步出城西闢松柏鬱盤盤道逢上陵者手指西陵田借問葬者誰大將葬衣冠大將非戰死軍中達爾罕健兒

啗人鮓無骨賜桐棺

三婦詞

大婦善主饋甘旨出中厨中婦善調羹清歌似羅敷小  
婦似小喬中夜讀兵書丈人不復樂起起去防胡

餓不從虎食行

西方有白額虎東方有蒼頭狼太室為爾宅孟門為爾  
場饑以人為糗渴以血為漿食盡食萬張自矜無對當  
無數自相啖相雄不能兩強朝食其子暮食其妃況弟

況兄

叶

黨從皆滅身隨之亡惟有慈烏喜鵲噪其四旁

君不見博浪椎淮陰跨兩人未遇時其事足悲咤饑不  
從虎食倦不息狼舍待時以售如藏待價劉季得之天  
下王項羽失之國不霸

丈人烏

丈人烏飛入丈人廬聒聒鳴座隅國人怪爾烏告凶不  
告喜丈人愛爾烏獻忠不獻諛命爾曰忠烏爾噪介推  
屋介推不受祿爾噪慕容城慕容危受兵維北有鶲嘴

不啄惡維南有豸角不觸罪永言忠烏逝死直弗諛展  
矣丈人克剛克仁惟剛惟仁下有直臣惟直臣是容人  
莫不穀我又曷凶君子作詩惟以告忠

鼠制虎并引

上海民有武斷商舟者曰河虎虎劫商財欲溺  
商於河商抱虎同溺虎死商泳而去鐵史聞之  
為作鼠制虎

河之虎莫孰禦河之鼠亦莫余敢侮虎一怒鼠無生鼠

一怒制虎死河滸浮雲蔽青天火風捲后土孰識鼠寃  
苦鼠寃苦訴諸河伯府河伯為我告天不生此河虎

牆燕并引

慕容辭曰願作牆內燕高飛出牆外慕容本名  
歛以識去夬名垂大元八年稱燕王

牆裏燕不出牆牆外旗竿如插牆牆裏燕飛出牆不使  
枉殺牆外百萬黃口鶴牆裏燕何堂堂垂名夬稱燕王

君馬黃

古樂府有君馬驅二曲

君馬黃當風嘶路旁關山不憚遠君命重有將大劒帶  
陸離千里歌載馳路幽川谷陻日晏行者饑下馬知馬  
勞上馬憂馬遲馬遲竟何罪君命不可違

吳宮燕 幷引

此題演鮑昭空城雀語也青鳥遠食玉山禾勝  
吳宮燕無罪得焚窠

吳宮燕秋復春饑食玉山粒渴飲玉池津木魅吹火火  
及爾巢焚爾身不如青雀子飛去銜紅巾此傷丁未九月九日事亦

一代

詩史

借南狸

并引

此題亦本唐人苦哉行有曰彼鼠侵我厨縱狸受梁肉鼠既為君却狸食月須足今狸則又異於是矣

北狸不捕鼠為鼠欺鼠作妖句人立豕啼媼責狸不職

借南狸假虎威鼠未捕翻我屋上瓦倒我厨中盆與罌叶食飽求媼雌雄匹之咋死媼狸與鼠同嬉嗚呼媼小

不忍大禍遺

鐵城謠  
并引

張司業有築城詞，嫌其嘵緩無沈痛迫切之警。  
今補之。

蒸土築城城上鐵。北風一夜吹作雪。君不見銅驅關外  
鐵甕堆中填白骨。外塗血髑髏作聲穿鬼穴。銅驅崩鐵

甕裂

折逃屋

折逃屋屋基生秬黍農拔穧黍投礮與鵝五種不敢入  
土孔謙罕尺到田所

問生靈

續鼎夷  
中樂府

金椎碎銅仙火窑燒石佛天子問生靈生靈消鬼卒

張道

陵事天上光明光無屋照突兀願照屋下坎再照坎中骨

山鹿篇

續張司業  
樂府也

山頭鹿距蹠蹠上聲目瞠瞠上聲田租未了壓鹽租夫死亭

官杓頭杖夫死捉少妻拷妻折牒不能啼妻投河作河

婦獄丁捉白頭母

四星謠

西星白東星黃南星鴈北星狼赤熛不敢怒靈威不敢  
仰招距不敢拒叶光不敢抗況爾羅侯曜白午奸太陽  
太陽剥未復光道日張張太山有巨靈目覩哭扶桑手  
取甘泉水為日洗重光明堂亮太階平叶旁黃白泡滅鴈

狼燐亡

櫈槍謠

橈槍星橈槍星夜夜西伴長庚明煌煌火龍東未升橈  
槍經天掩陽精李淄青胡不庭陽谷倒戈太行假兵橈  
槍夜半雨血齊城金雞喔喔東方明

李淄青師道陽谷太行事見劉禹錫

平濟行

石郎謠

南山石郎隱蓬顆將軍遠適南山下彎弓射石石郎怒  
生火石郎告將軍猢戴汝體蟻穿汝踝家有鬼妻廝有  
鬼馬不知石郎長年者長年者石馬載郎不稱殤石妻

望郎不稱寡

先生有石郎詞補吳樂府孫皓事辭云石三郎十丈  
長石印生文章天下太平今適當加印綬石郎白髮  
丈人黃衣裳

遊陳氏園有感

陳家園野塘基千金花錦地千年子孫期歷歲未半百  
池臺生櫓音旅木葵紅樓在西家無址遙相移主公規  
戒石草中字離離妾流澌養婦客散屠沽兒尚有庭中

樹高蔓女蘿枝飛來雙燕子豈識春風悲嗟我陳家園  
盛衰固有時我聞陳主公義俠猶見推揮金周所急解  
佩醉相知君不見西家齧齒子生女侍門楣嬌客滅門  
戶重令後人嗤

小姑謠

小姑失母年十五大嫂育之嫂如母小姑急嫁嫁蠻郎  
雙鬟私插金釵股大嫂泣血告小姑汝祖儀同父上柱  
如何世閥不對當失身去作蠻郎婦汝貪蠻郎多金銀

寧嫁華郎守賤貧蠻郎金多不到老華人雖寢終吾身  
小姑不聽大嫂誠蠻郎戰沒羊羅寨五丁一夜發郿鳴  
官籍黃金官估賣小姑還家嫂怒嗔棄置棄置同市門  
嫁衣重繡金織絲今年又嫁烏將軍

賣鹽婦

賣鹽婦百結青裙走風雨雨花灑鹽鹽作鹵背負空筐  
淚如縷三日破鎰無粟煮老姑饑寒更愁苦道旁行人  
因問之拭淚吞聲為君語妾身家本住山東夫家名在

兵籍中荷戈崎嶇戍閩越妾亦萬里來相從年來海上  
風塵起樓船百戰秋濤裏良人賈勇身先死白骨誰知  
填海水前年大兒征饒州饒州未復軍尚留去年小兒  
攻高郵可憐血作淮河流中原音信絕官倉不開口糧  
闕空營木落烟火稀夜雨殘燈泣嗚咽東隣西舍夫不  
歸今年嫁作商人妻繡羅裁衣春日低落花飛絮愁深  
閨妾心如水甘貧賤辛苦賣鹽終不怨得錢糴米供老  
姑泉下無慙見夫面君不見繡衣使者淛河東采詩正

欲觀民風莫棄吾儂賣鹽婦歸朝先奏明光宮

天車詩并引

丁未臘交戊申春三月霪雨不休農以潦告官  
修圍岸迫農車泄澇農力竭而潦不退有黃髮  
老髯來謂農曰汝車力倍而功寡吾教汝車力  
不勞而功倍之索巨竹二竿剗節交兩首尾飲  
如口注農家水龍皆閭不用農驚問其神髯曰  
此陰陽升降法也余讀張讓傳傳注渴烏云為

曲筒以氣引水上天車引水即渴烏之引也  
都守某過余言其事謂之天車請鐵崖紀以詩

詩曰

百日漏天瓠河決高丘十丈蛟龍穴  
髯星降世教天車剗爾雌雄兩龍節  
膠泥瑣口如折筒天竅地竅中相通  
疲氓拜舞賽神教喜氣上天成白虹  
肩乾水怪支祁走海底珊瑚拾星斗  
坐令墊土成寸金丈尺官來履丘嶽  
我聞阿香閣雷車農車巧運脫殼蛇  
如何天車閘天巧

馬鈞造水車  
魏國人

不洩三農家九重帝車運北斗五風十雨

調大有我願天倉紅粟朽農食冬春飲春酒和我歌擊

壤叟

擬戰城南

昨日戰羊邏堡今日戰牛皮航王者有征而無戰胡為  
日日戰血屠鋒芒篁竹之丁叟鴟張上山跳踉山鹿獐  
將軍馬無昆號硯安能為之陸相梁昨夜將軍獲生口  
什什伍伍童及叟問之半是良家兒賊中驅來帕紅首

五花劍子牛頭神五十八人同斧斤烏鵲飛來百成羣  
不得銜啄飛去野水濱乃知當街割啗人須臾白骨堆  
成薪是日民兵食人殆如狗彘於乎君王子民天地人忍使天地殺  
毒傷陽春嗚呼忍使天地殺毒傷陽春

磔鳩并引

鳩出蘄州黃梅山狀類馴狐聲如擊腰鼓巢于  
大木顛巢下數十步無草生晉制鳩不得渡江  
有重法石崇嘗得之以與王愷司隸傅祗於愷

家得此鳥奏之宣示百官燒於都街蘄有進此  
鳥者以夸罕見當有傳司隸付之火刑以示滅  
惡故予賦磔鴉詩

蘄州鬼鬼來惡蘄州鴉鴉何凶

叶興

聲如萬腰鼓百鳥不

敢鳴委地一片羽百草不敢生如何崇家柵養相夸矜

司隸忽上奏焚滅不留形秋官司天法殺物自有刑噴

噴驅我嫉雉雉勸我耕

噴噴雉雉皆  
九扈鳥官

天何生爾毒毒作

人中兵我願天悔禍仁鳳下虞廷

拂郎國新貢天馬歌

千金骨五花毛虎脊龍鬚尾蒲梢神如飛龍氣如猇初  
來燉煌祁連之遠郊雙鶴迸落獨鶻起急勢直欲追風  
鶻天駟精青海傑羈黃金絡明月未栖天子十二閑孰  
得人間貯金埒嗚呼渥洼之產寧徒勞圖形已詔韓與  
曹伯樂光寒夜寥闌青鶻一聲箕尾高

伯樂  
星名

綠衣使辭

綠衣使朱冠纓西來萬里龍山青金精氣清微直言語

分明藏不得房中秘人不知近竊寧王玉笛吹殿上兒  
老萊戲十幅錦絳搖虎翅皂鵠不語君王私拜爾君王  
綠衣使

桃花犬 并引

邑吳氏仲衡家畜犬病跛子能銜食哺其母母  
死葬小山下有花開如白鳳仙人因稱之為孝  
犬云

昔桃花孝義聞天家今桃花生子在吳家桃花子母病

陪不起三子者纍纍若悲啼有一子銜食哺母母食之  
子始出馳一去復一來眠母左右不一離吳老人壽期  
頤五葉孫斑斕衣門前荆樹不分枝柱下並蒂生靈芝  
吳家孝慈及草木況爾桃花為有知嚦嚦梟獍兒泥塗  
我宮室蕩裂我四維風俗日壞壞不支歌桃花作家慶  
吳家兒當執政桃花牲牲化梟獍

祀蠶姑火龍詞

并引

余嘗論蠶有六德衣被天下生靈仁也食其食

死其死以答主恩義也身不辭湯火之厄忠也必三眠三起而熟信也象物以成璽色必尚黃素智也璽而蛹蛹而蛾蛾復卵而璽神也此六德也人靈為倮蟲之長食君之食衣君之衣乃有肢生靈之膏賣君父之國卒不得其死者其不愧火龍乎因賦火龍辭四章補樂府之缺火之龍兮雲弗從雨弗降叶三眠始三眠終火之龍兮桑以穀絲以腹璽以屋象水火兮以金以玉火之

龍兮蛹以蛾蛾以卵卵復化叶龍之神兮寔多惟龍之  
神兮有大功於人又殺身以成仁徇道而忠益信火  
之龍兮其節甚高彼縻爵者誰兮生寵死則逃剥民之  
膏粥人之國而死與叛鬼曹火龍德德可褒

馮處士歌

并引

富春馮正卿氏四世不分其曾祖父冀為宋德  
祐死節臣正卿者才而賢當元末不屑仕偽衆  
噴然以處士稱之丘園科屢起處士處士絕之

曰予幸有一廬一區林下可以避風雨田一成  
在郭外可以給衣食學聖人之道者可以自樂  
不願仕也且仕榮利祿隱樂貞素苟以相易彼  
此兩乖吁處士正卿其可謂逸而真者歟故吾  
號之曰貞逸而為之賦詩曰

星臺下桐廬陰曰有節士馮氏之家林後三葉五丈夫  
子玉琳森曰正卿者長身而美髯叶風局孤古體貌踈  
且沈家不失歲里不失任貧不屈富不滛有餘推與人

矧肯要爵祿心闕下足終南

吟叶

鳳凰引高神龍深深音

心

處士貞逸退如處女古井心嗟今之士科隱丘事王侯  
行無補闕言無裨謀惟祿食足媒叶詭貞而佞詭逆而  
述以為吾人憂放而返也澗惠岳隴羞聞處士風其不  
此然在頽豈吾人傳

桐鄉俊公子

古什一首錢濮敬之榮上司理之任

俊公子二十忠義俱殺賊不受賞務在安邦閭使者宣

條約來試匡君畧調官鄉縣中狴犴鎖鑰此氣與秋  
高豐城掘寶刀獄空元有象門櫓鵠來巢

丁孝子行

孝子蘭刻木肖母顏木有神痛相關況我孝子有母上  
堂問安否母胡為雙目瞽母瞽拥壁行行聽孝子聲孝  
子泣母舐母目何時仰見天日星朝舐瞽莫舐瞽一日  
二日百里程母瞽豁然而月明隣里交相賀母如長夜  
再生明孝子名上達天聰華表柱為孝子旌

出諸暨志



鐵崖樂府補卷四

欽定四庫全書

畧要卷一萬六千五百三十五

集部

鐵崖樂府補卷五

元 楊維楨 撰

大明銃歌鼓吹曲

濠之塗山自五代周世宗嘗見王氣鑿其地絕之今越五百年而王氣復還聖人出焉為生民主為聖徵啟第一

於王氣塗之岡五百祀皇陵藏火流烏星流虹鶩生聖人應天祥聖人生六合一統天下昌

右聖徵啟九句其七句句三字其二句句七字

妖術彌勒氏聚黨以萬計據汝穎蔓延河洛為

汝阿彌第二

汝阿彌胡語侏離復兜離妖誦胡膜乾毒師蜂屯蟻聚  
億億萬搖首枯舌從邊夷金銀城鐵為鍵湯為池北踞  
河洛南驅淮老獐野鶲弗能支大明帝厲虎旅拔龍  
飛手把黃鉞相招麾敵盡絕彌何為築京觀充之  
際荆之垂撥亂反正聖武赫戲太烈烈烈開皇之

基

右汝阿彌二十三句其十二句句三字其四句句四  
字其七句句七字

王師起臨濠收義兵駐南譙平河陽遂南渡為  
天下所推戴郊天登極為臨濠武第三

皇皇帝肇迹濠之壤平上天黜元命命帝靖四方神兵

三千授筆渡江基業定南京叶大興問罪師天戈剪

妖狂妖狂潰崩叶赫烈我武揚繫頸闕下大明朝賀

開明堂元主大去國閩廣並來王皇帝神武越五帝咸  
三皇皇萬國賓日出入土普為大明臣制禮作  
樂聖化鈞大一統業萬萬春

右臨濠武二十二句其四句句三字其四句句四字  
其九句句五字其三句句七字其二句句八字

長鎗氏何吳俞刲元將劉就就奪睦城民大潰  
人相食不聊生王師剪平之為三蛇長第四

三蛇長一蛇擅雄王上掩三日生妖芒羿烏號彎弓無

人落櫬槍血人為漿肉為梁交結猶恣跳梁帝閨下  
土命將一日平叶收其帑寶夷穴藏截蛇首割蛇腸祭  
民社主反民井竈還丘坑

右三蛇長十有三句其三句句三字其一句四字其  
三句句五字其五句句七字其一句九字

元末偽漢陳友諒據江廣水犀之衆薄我城下  
天戈一奮追北鄱湖上友諒殞于矢為犀之窮

第五

山傾峩

峩峰撫州山名

水翻鄱旗擎黃龍鼓考鼈坤軸震水犀

列以陣樓櫓層層突而蜃皇赫怒血漂刃不用命斬以  
徇鐵鈞鎖扼艨艟辟彊弩開神弓老犀暈火角生風流  
星一矢貫爾額與胸老犀窮小犀夜泣鮫人宮

右犀之窮十八句其十二句句三字其四句句七字  
其一句五字其一句九字

偽吳張士誠由淮據浙僭國于吳門命將討之

介弟士信中礮死士誠投首降為雙虎殯第六

江為障湖為池兩虎赫赫奸天威天兵東下跨池與障  
平如砥平兵十萬威武宣紅帕錦股偃草前假以歲月

喘以延收殘丁嬰孤城穿城礮機若流星小虎粉首大  
虎摧爪翦兩睛齊雲火天骨肉焦冥天子好生一雞一犬  
不汝兵糧盡矢竭開闢輸平羣臣魚貫歸大明大明帝  
義之斷仁之成

右雙虎殞二十四句其九句句三字其七句句四字

其八句句七字

方氏珍憑溫台明三州竟東海命將平之俘至

京師為東海鯨第七

東海鯨鬚插鐵牙如雪山眼如月前驅虎頭漁後掣三  
足鼈尾一掉天綱崩地維缺吞三閩啗百粵走蛇涎噴沫  
弟兄作穴巖潭生子孫天吳彎弓弓靶折四海波濤盡  
流血東皇太乙乘魚從霞長綸巨餉羈縻鉤加漁彭蠡  
獵黃池鯨亦穿腮京口來叶京口來游不動化為鮆空

囁嚅

右東海鯨二十六句其十三句句三字其五句句四  
字其三句句五字其四句句七字

元將將鎮閩不克守土豪反定閑關抗王師命將  
破之俘以告廟為定八閩第八

海上將軍神騎還乘勝捲甲斬閩關阿難氣虓虓羅和  
語綿蠻土豪據土孰與京將軍將命揚風聲豪一敗走  
連營俘以獻廟功用銘閩山奠閩水清

右定八閩一十一句其四句句三字其二句句五字

其五句句七字

淮豪王信據山東大將取之不以師羈其父與兄而信降為下山東第九

益之都魯之邦元不綱兵強馬壯礮礮岡梗我王化山輸海貢隔梯航狡狐三穴跳躑貪狼王師薄城築我受降駢首就縛父與兄絃歌之化復我鄒魯鄉

右下山東一十二句其三句句三字其五句句四字

其三句句七字其一句九字

秦俠李思齊據關中已而私竊名字王師招之  
解甲來降為招關中第十

太原李繼忠襄京兆李王咸陽脣齒相依勢相望構讒  
煽虛撼金床王綱偏圮弗擇上弗急君父同盟不相援  
徵兵關中伐太原大丞相偏將軍士馬百萬蹂燕雲國  
已墟關來從尉之陀竇之融

右招關中一十八句其十二句句三字其四句句七  
字其二句句五字

元末河南王庫庫守汴大兵抵城潛遁遂收汴京為汴通河第十一

邗岱溝汴通河河之王鎧仗山積血流波前徒接戰盡倒戈一二主將弁箋輸忠竭節心靡他以彼取此類虞羅由汴入灤入紅螺胡政不綱可奈何自底滅亡可奈何

右汴通河十一句其三句句三字其八句句七字

王師由海入燕元主大去其國全城來歸不血

一刀為統幽薦第十二

元運傾六師駐納恰城龜茲主走灤京宣明詔許厥

成札拉烏蘭左袒迎封籍府庫奉大廷大丞相舍于野叶克大國匪余武天子龍驤士貔虎問其寡

孤母恃殺擣秋毫無犯民按堵民按堵振旅旋鉤

麗冒脩未殄滅叶大將軍請戍邊偏將喻忿嶺越

祁連追亡逐北萬五千元運傾奔絕幕叶天子喻

書通玉帛朝宗于京來沓譯

右統幽薦二十九句其十八句句三字其八句句七字其二句句四字其一句句五字

偽夏明珍負地險久據四川天子息兵之次未忍加誅先諭之以辭為喻西蜀第十

三

龍雲寒隴水乾天使晨入荆門關右扼僰左控秦巴蜀限峨岷偽夏昆強項不來賓元戎闡皇威民何罪肝腦糜一札西去如星馳彼元之微棄身獨夫剪與

我絕忍及爾孤告冉阨束斯榆檄邛笮上版圖劙包  
蒲受正朔玉壘峩眉我城郭沱潛三巴我塹壑誓號號

叢銘劍閣

右喻西蜀二十六句其十五句句三字其四句句七  
字其三句句五字其四句句四字

會稽楊公廉夫登高科四十餘年以文鳴當時方四  
海有兵事高居松江山中一日聘至金陵論定禮樂  
乃成銳歌鼓吹曲稱頌武功昔柳柳州謫官荒徼以

有是作方之於公目睹行師之次第而論撰於著作  
之庭者大不侔矣臨川危素敬書

鐵崖樂府補卷五

欽定四庫全書薈要卷一萬六千五百三十六

集部

鐵崖樂府補卷六

元 楊維楨 撰

江西銳歌

陳友諒起兵殺倪曼濟據龍興辨章阿爾烏蘇  
及憲簽察奇爾合兵破之龍興始平江右諸郡  
無不款附至此而武功成作龍興平

繫龍興藩西江二昄章國駿厖江有砥柱胡為鴻流洛  
効鑾效尤蠻蠻內訌三台曠太微國士俱無雙王旅彈

嘽鉦鼓搊搊天威震赫羣兇攬八郡望風咸來降武功  
旣成母從從聖人南面殿萬邦

右龍興平十五句其三句句三字其三句句四字其  
三句句五字其四句句七字

龍興陷日憲使劉蕡懷印埋土中土上生瑞木  
察奇爾被命為僉憲丞購印於瑞木下掘得印  
來歸既得印施諸移文遂成恢復功為銀章復  
維白金有章維國之光九鼎旣峙翕元化以張大治範

金吐景耀鎔蟠螭紐龜鸞翥鳳翔官臣寔司之植我皇  
綱孰亟且藏啓發祐祥操絜係政柄繫德是將符節允  
合人文昌蕩攘兇頑時乃康與國咸休萬年膺天慶

右銀章復二十句其二句句三字其十三句句四字

其五句句五字

大將南征歌

美河南玉察罕也

大將軍將天討出南征文如阿閣鳳武如牧野鷹兵行

司馬法漕轉屯田丁鹿山放魔萬衆泣虎穴取彘千人  
驚東屯西屯露書布南溪北溪壺漿迎閑授首鰲子

獻城三危送款孤竹輸平藍之山截海斷峽之水吞湘  
漢大將軍持廟算直向刑塘築京觀嗟嗟小蠻觸尚爾  
爭雌雄將軍大勢破竹下拾土補地裂中國長城無再  
壞崑崙天柱無再折磐石永安金甌固缺我頌摩崖千

丈碑大字如斗光奪月

小萬戶射虎行

美慶元鎮帥金珠爾也

邊城秋氣勁折膠草枯燎發風蕭蕭將軍校射出細柳  
馬上箭落雙飛鵠須臾吼地窮獸急將軍匹馬電拂及  
疾蹄迸落衝虎過白羽穿喉虎人立將軍身不六尺強  
一怒萬夫無敢當先皇賜名名巴圖部下材官爭蹶張  
畫工親見編鬚勇急陣梢岡浩呼濶目光落地已化石  
將軍生氣毛髮動君不見桃花島阜樹洋乳孫哺子人  
為糧將軍一死不可生東海黃公愁夜行

虞丘孝子辭

并引

顧亮會稽上虞人也父珪倡義兵拒海寇與虜  
郤仇至正戊戌冬邁里古思引兵東渡珪為虜  
所害亮時年十五每有推刃于仇之志而未獲  
遂也閱去十餘年過余道其事揮涕哽咽怒髮  
盡豎予悲其志為作虞丘孝子辭以繼古樂府

云

虞丘孝子父仇未雪長劒拄頭叢草在舌夜誦獨漉篇

涕泗盡成血於乎頭上天戴昏曉千金去買零陵之七  
刀虞丘孝子心始了

髯將軍

美功將董參政搏霄也

髯將軍將之武相之文文武長才不世出將軍兼之今  
絕倫陣法本天地兵機侔鬼神八門遁丁甲六花散風  
雲樓船旌旆龍矯矯雲闕金鼓雷礮礮水犀枝戰悍鯨  
帖陸兕出柙妖狐奔風塵湧洞<sub>翳</sub>日月紫髯一拂開朝

昏上馬談兵被裘帶下馬降禮陳壺尊於平昔人恨隨  
陸無武絳灌無文將軍之武平禍難將軍之文煥經綸  
鬚將軍受斧鉞承華効淨除國妖雪國恥制禮作樂歸  
相天王尊

特固勒德爾

美江浙省特宣使也

鐵骨搭偉鶻砂性如獅身口如鴉仰見太陰剥食欲挾  
匕上天割妖墓俯見海揚波誓拔快劍水上斷蝮蛇才

雄志大無位可施展乃令行人走使匹馬無停過南藩  
大吏一月二十九日醉藩職弗理莫敢輒玼瑕骨搭北  
上見官家官家問南事一一叩陞下陳治忽談忠邪天  
子為點首百官盡驚訝御史結舌慙輔車有附和無聲  
牙於乎骨搭者古之汲直無以加天子何不喚取歸南  
衙下為百司司白簡上為天子持黃麻

韋骨鯁

并引

韋名清江陵人性強梗好怒罵人號為韋骨鯁

省臺大臣有過輒昌言之無忌偽張氏大弟效  
浙相位相僚曰壽曰的拜其偽太妃已而復奪  
臺印章大夫普持印未決清走普所屬語曰大  
夫尚不能殉印一死耶普死之清時為察胥獨  
航海至京師上書言壽的喪節普完節及陳使  
宜二十事上不報徒步歸江陵故里吳主欲仕  
之清力乞骸骨侍親遂落魄金陵市中以詩酒  
為事母死後服道士服遊五岳名山云予以清

非巨卿大吏而嫉邪憤世有補正平之氣節求  
之於妾婦世豈不在可詠之列耶為作韋骨鯁

詩

韋骨鯁性脩俗語軋戰

于

眼中有周公孔子舌底有龍

逢比干見無義漢不律官怒纏突項骨芒刺生肺肝

去聲

敢向漢遮欄駕策不向秦鑽

不仕

世人不識之峩獨角

巾如豸冠痛吟蕩陰里悲歌清淚灘左旋右衡萬妾婦

朝梁暮晉千癡頑弗弧弗刃劫白日鉏郎摸倣同一軒

奸 同走轂下出臺端力陳恃逆不赦金雞竿敗紅一陣逐

風去木駛萬駕螺盤鷁來秣陵市佯狂落魄酒澆舌  
本黃河乾我有孤竹笛和君獨絲彈神仙狡猾只在吾  
人間倒騎一笑與爾共訪西華山

舒刺客

并引

兗州有奇男子陷賊中佯俘受偽命陰謀刺偽  
主大享宴中七首業出袖不幸不中訖能流淳  
以免絕似博浪沙事偽主淫殺疑似百十人已

而間行歸荆溪山中說豪傑數百輩從之歸正于江浙省相府貢禮部為作歌詩令予志其事予始知奇男子舒氏而志名明年志觀京師予徙鄉貢忻一本忻下有忤字回京師持其狀來求書余讀太史公刺客傳未嘗不悲國士之志志窮而為刺也議者謂傳刺客非春秋旨蓋嘗論刺客有義有不義辨為國報仇為私人戢正人此義不義辨也刺客五吾取其三人沫持匕首劫盟

壇上管仲不以為非而歸其侵地讓挾七首入塗廁中趙襄子義其人而卒釋之軻挾七首元圖為丹太子馳入仇國圖窮匕見而卒受戮死君子猶以義俠予之嘻刺客若三子者可以翩豹之例書之乎五百有餘年而曹操遣客至先主座所見諸葛而遜此真珠靡耳又三百餘年而唐有曹王俊客能取其主仇謝祐首為溺器義士快之又七百餘年而今有舒志人又咎其

不得為曹王俊客此以成敗論也吾取義烈於  
志不計其功成與敗也太史公曰義或成或不  
成其較然不欺其志豈妄也哉吾以是取志予  
既為志錄其事志自京師得賞爵回來見曰先  
生為李鐵鎗作歌至今鐵鎗有生氣志拙事辛  
見錄于鐵史再幸得先生歌雖袞冕無以喻榮  
予與壯士飲酒酒既酣遂為作壯士歌一解使  
左右擊節合譟相和壯士大喜出佩劍作渾脫

舞而去

舒壯士智如張子房膽如趙子龍神州地入黃旗東壯士手挽回天功握虎入虎穴壯士沃焦心火熱怒潮一卷石頭城七尖已帶垂龍血闇中三耳走鬼工百日淬七一日窮座中火位剉杌肉壯士滅跡孤飛鴻柯壇劫盟地還曾舞陽小兒何足數博浪沙頭力士歸為韓報仇仇必虜於乎大將軍萬夫雄赤心報國為先鋒如何馬頭交劒不斫賊却留小惠誇丁公

趙公子舞劍歌

并引

雪軒左相求奇才劍客公子侍予遊其門席上  
作舞劍左丞命歌之其人名信奉元人也身長  
九尺有文武畧

趙公子千人英讀書萬卷愁無成負此長身九尺如長  
城雪芙蓉玉青驄我將挾爾成大功腰纏十萬欲何往  
直上北臺觀虎龍道逢鐵笛仙把酒九峰前酒酣為我  
拔劍起作渾脫伎白虹遶地烏風旋躍然指天天為穿

天狗墮地頑星堅老鐵酒酣為椎鼓壯士衝冠髮倒豎  
老增撞斗何足為鴻門突立衛真主趙公子千人英為  
君酌酒肝膽傾忍見東南吳楚坼慎莫脫手踴躍逝去  
雙龍精君不見我家古鐵三尺冰粵砥盪磨新發硎不  
學區區一人敵上為天子匡前星

李公子行

李公子鳳之雛龍之駒面如赭玉盤眼如明月珠舌端  
吞吐五色錦胸中元有鄴侯三萬牙籤書囊執金陵南

端之白簡今曳淮吳大府之長裾東維先生在五湖相  
逢一笑黃公爐我聞公子曾大父先皇開基作刑部馬  
頭約法十二章燕都新建尚書府丹書鐵券盟山河赫  
赫勲名照今古又聞爾父司農公畫策屯田闢西土歲  
輸百萬實太倉功著兵前料量府汝今年少毛骨奇五  
花驄馬當春騎燕王方買臺上駿趙客合脫囊中錐姑  
蘇臺下春回首東風綠遍官河柳人生離合自有時更  
勸西門一杯酒李公子爾豈馬上殺賊之鐫婁下馬喻

賊之露書莫負汝祖汝父東魯為真儒

盲老公

并引

刺拜珠格爾臺長也戊戌十月念三日黨海寇  
用壯士槌殺之穆爾古蘇將黃中闕拜珠盡戮

其家

盲老公侍御史崇臺半面呼天子白米紅鹽十萬家鳳  
簫龍管三千指門前養客皆天驕一客解極千黃苗太  
阿之柄忽倒擲槌殺義鵠招羣梟一客死百客辱萬夫

怒一夫獨生縛老盲來作俘百口賤良一日戮獨遣小  
娥年十五腰金買身潛出戶腰金買身潛出戶默作娼  
家馬郎婦

銅將軍

并引

刺偽相張士信也丁未六月六日為龍井砲擊  
死

銅將軍無目視有準無耳聽有神嵩沙紅帽鐵篙子南  
來開府稱藩臣兵強國富結四隣上稟正朔天王尊阿

弟柱國秉國鈞僭逼大兄稱孤君案前大事十祆嬖後  
宮春艷千花嬪水犀萬弩墳震澤河丁萬錦輸茅津神  
愁鬼憤哭萬民銅將軍天假手疾雷一擊粉碎千金身  
斬妖蔓拔禍根烈火三日燒碧雲鐵篙子面縛西向為

吳賓

周鐵星并引

刺斂臣周振也張氏亡國亡於其弟士信趣亡  
於毒斂臣周振振山陽鐵冶子以聚斂功至上

卿伏誅日曰錢穀鹽鐵籍皆在我汝國欲富當勿殺我王者怒曰亡國賊不知死罪尚敢言是耶速殺之吳人快之或手額謝天曰今日天開眼也

周鐵星國上卿談韓申為法經釘筆杖為國刑千倉萬庫內外盈十有三賦爭科名周鐵星鞭算箕斂無時停開血河築血城血戰艦血軍營刮民膏嗍民髓六郡赤骨填芻靈齊雲倚天一日傾鐵星亡國法當烹尚持六

都金穀數丐死萬一充虞衡嗚呼周鐵星十抽一椎百  
萬釘誓剗爾體作溺嬰鐵星碎地啟曠天開顙盲同

蔡葉行 并引

刺佞倖臣蔡文葉德張氏亡國由太弟太弟致  
此實由二佞丁未春二佞伏誅於臺城風乾其  
尸於枰刑者一月

君不見偽吳兄弟四六七十年強兵富金穀大兄垂旒  
不下堂小弟秉鈞獨當國山陰蔡藥師雲陽葉星卜朝

坐白玉堂夜宿黃金屋文不談周召武不論頗牧機務  
託腹心邊籌憑耳目弄臣列列引膝前骨鯁孤孤內囚  
桔斗參軍俞南也去年東臺殺布哈今年南垣殺特穆鳳陵斬  
棺取舍珠鯨海刮商劫沈玉粥官隨地進妖艷籠貨無  
時滿坑谷西風捲地來六郡下破竹朽索不御六馬奔  
腐木那支五樓覆大鉞先罪魁餘殃盡孥戮寄謝悠悠  
佞倖兒福不盈眶禍連族何如吳門市賣藥賣占餓死  
心亦足

金盤美人并引

刺僞駙馬潘某也潘娶美娼凡數十內一為蘇氏才色兼美醉後尋其罪殺之以金盤薦其首於客宴絕類北齊主事國亡伏誅臺城投其首於溷

昨夜金床喜喜薦美人體今日金盤愁愁薦美人頭明朝使君在何處溷中人溺血骷髏君不見東山琵琶

骨夜夜鬼語啼箜篌

齊主納姐婦薛氏清河王岳嘗因其姊迎之至第帝怒殺其姊薛甚寵於帝久之主忽思其與岳通斬首藏於懷出東山宴飲探其首投於盤支解其尸弄其髀為琵琶復收髀流涕曰佳人難再得載尸出葬帝被髮步哭送之

春暉草

并引

悲甘生鈞也鈞從予學春秋鄉貢成名父死母老乏養不擇祿而仕於偽禍連及之與十叅謀

同死於髑體堆予為其母賦春暉草云

宜男花春暉草小草報春暉葉好花亦好花上青蚨綴  
枝滿阿彌花開春日短疾風捲地起勁草偃如麻借問  
春暉草漂蓬落誰家閨閣城外髑體臺阿彌些魂臺上  
來宜男草抽花染血花上之血不可滅

題朱蓮峯夢遊仙宮殿明日偕見西辨章進凝香

閣詩

青蓮老人青珮環自言昨夜夢遊海上天梯山天梯之

山三萬八千丈瓊臺雙闕開天闢赤藤飛上最絕頂千  
樹琪花散晴影通明前殿上觀玉虛翁左面長眉瞳炯  
炯玉翁元是太極仙手弄兩丸日月旋天扃地戶司啟  
閉玄牝一鑰開天先青蓮老人南極裔泰華開花一千  
歲大人賦奏馬文園玉藕如船澆渴肺殿前作詩明月  
光光采下徹下土中書堂明朝寫得凝香章蝴蝶飛來

七寶牀

附朱庭規凝香閣詩

凝香閣者光祿大夫平章政事張公闐之以待四方賢士即漢平津侯之東閣也客卿鐵崖楊子名之曰凝香本韋蘇州語予讀楊子記云休兵息民又云厭兵圖治引周公仲山甫為辭夫兵不為攻城乃森戟於左右者豈非休兵乎燕寢凝香與賢者共之豈非圖治乎周公東征成王迎歸天迺反風起木此休兵效也仲山甫徂齊宣王賴有補袞出納王命此圖治效也楊子

之進規者至矣杭庠典教朱庭規敷楊子之記  
復為歌以頌云

有兵不若森于庭發矢不若藏于棚汗馬不若繫于  
營休兵要待民力生平章政事光祿卿閣下萬卷清  
香凝書生香德生馨況復熟鼎相薰蒸綠烟一縷風  
度櫺光祿燕寢寢不驚蝴蝶飛來窺枕屏周公入夢  
話東征山甫依稀亦言弁天既反風禾稼登告以補  
袞垂鴻名楊子進規為座銘有客如此真賢卿有客

如此真賢卿廩人餽粟庖人饋鮆燕昭臺上千金輕  
錢君博士起相慶有如十八學士登蓬瀛

毘陵行 記十月七日事

孟冬四將發勾吳彎弓誓落雙髡顧智謀無過史萬葉  
嫖姚無加李金吾前茅已作破竹刃三覆乃裏含沙狙  
常山長蛇一斷尾即墨怒怙齊犇踊玉蓋孤軍呼庚癸  
皂鴉萬甲迷糗糊江南長技江北無蒲牢一吼千鯨呼  
赤杠卓入鐵甕戶鐵翅橫絕丹陽湖擣虛之策不出此

赤手可縛生於菟當時上將陷江都至今莫贖千金軀  
後來飛將慎勿疎襄王城頭啼白鳥如何臨期易將犯  
兵忌何必不讀孫吳書嗚呼臨期易將犯兵忌何必不

讀孫吳書

杵歌

杭築長城賴辨章仁令兩郡將美政治于衆心  
以底不日之成然後夫之記有不免悽苦者東

維子錄其辭為杵歌

亟亟城城亟成小兒齊唱杵歌聲杵歌傳作睢陽曲  
中有哭聲能陷城

又

自古衆心能作城五方取土不須蒸蒸土作城城可破  
衆心作城城可憑

又

疊疊石石石峻嶒立竿作表齊竿旄阿誰造得雲梯子  
剗地過城百尺高

又

羅城一百廿里長東藩恃此作金湯舊基更展三十里

莫剩西門一樹樟

又

蘇州刺史新令好不用西山取石勞折得鳳山楊璉塔  
南城不日似雲高

又

南城不日似雲高城脚愁侵八月濤射得潮頭向西去

錢王鐵箭泰山牢

又

攻城不怕齊神武玉璧堪支百萬兵不是南朝誇玉璧  
關西男子是長城

劉節婦

大江東流接混茫金山焦山鬱相望鐵甕長城北枕江  
中有三槐節婦堂壁立萬仞之高岡自別母氏歸劉郎  
中朝瓊樹摧秋霜玉琴不奏雙鴛鴦玉笙不吹雙鳳凰

絡緯夜啼月上房燭光照淚垂汪汪紡績給朝暮羣離  
忽成行生處同室居死期同穴藏新阡種松三尺強黛  
色已見參天長流脂入地成琥珀終夜吐燄如丹光揚  
雄與馮道不異燕趙倡食君之祿而弗與國同存亡嗚  
呼節婦之德不可量節婦之髮白於雪節婦之心化為  
鐵我歌為繼柏舟詩門戶他年耀旌節

雉子斑

并引

秀女有姊妹被苗帥強聘之為妻又遣媒而

致其姊姊不從赴水絕之妹亦尋死為賦雉子

斑

雉子斑雉子將雛惟兩雌麥田青青四月時雉子班班  
上毛衣網羅一相失誤為因所危吁嗟爾為因誤又忍  
為我媒叶我今謝爾死豈忍須臾遲兩雉死同歸琴聲  
鼓之為嗟咨英英鶡雌兒百鳥不敢欺只如燕燕傍人

飛

黃鸝曲

并引

蕭山顧節婦年二十居寡貴要將強婿之顧賦

詩自誓改道家裝絕之為賦魯陶嬰黃鵠辭

黃鵠雙棲今年命有不齊雌將雛兮失其雄飛叶雖失

雄飛孤自誓

平

豈無他雄兮誓不徙故栖使君兮述予

與孤俾予改圖一女可二夫使君事主塗亦殊

翁氏姊

并引

翁氏姊者錢唐人年四十不嫁冠陷錢唐與弟  
忠一家四人誓結袂死於河姊曰河之死者有

穢矣吾獨尋乾淨水死忠等赴河姊亦不見乃

跳城陰古井死

翁氏當亂離投河誓翁媼生為同林鳥死作結縷草翁  
氏姊投袂赴長河賊殺血污水我胡為河裏死莫耶井  
古城陰下有斗水琉璃深井中古劍劍妾心莫耶夜作

蛟龍吟

漢州娘并引

朱鬟氏掠女婦人擇白脂者一狎即付湯火熬

膏為攻城火藥濮州花娘薛氏者瀕殺復與裸  
飲飲婪酣抱花娘臥乘酣睡抽其佩刀刺之遁  
出馳馬抵官兵而遂擒其衆吁薛娼婦也而壯  
節可尚亦亂世奇事為賦濮州娘列古樂府

濮州花娘勸君酒酒中電影紅蛇走花娘分死紅焰焦  
五尺肉軀油一斗連牀裸飲飲婪醺花娘待罪眠紅茵  
突咽一寸揕匕首夜馳鐵騎投官軍君不聞始州王氏  
女拔羌刃殺羌虎濮州花娘刺客才劒氣何須大娘舞

處女冢并引

卷六

處女名雪字玉霽余從父女弟也年十三善琴十五攻詞翰二十許陳氏子未娶陳歿遂守志不嫁達官聘之不允自誓之死作處女冢兵亂處女閉戶餓而死年四十有二塚在梧桐山先壘側

楊處女白雪雲  
慈母惜白雪抱玉真珠擎十三善瑤琴  
不作漢上音十五弄彤管不作花帽情叮嚀媒與妁必

嫁公與卿英英馬上郎貂帽繡衣裳來交處女幣願作  
處女郎貯以黃金屋薦以白玉牀大珠連理帶七寶合  
歡牀大珠五十萬七寶百萬錠黃羊尾如扇文雞若鳳  
凰置酒結高宴長跪起行觴處女誓慈母有死不下堂  
嗟嗟楊處女處女節獨苦事母終母喪母墳成負土白  
髮五十秋五十終處女誓作處女墳南山華表柱荒城  
兵火交三月不開戶生作獨月娥肯作城中三嫁婦

鐵崖樂府補卷六

謹按卷四第二頁前八行達爾罕舊作答刺罕今改  
卷五第二頁後六行就就舊作九九今改 五頁前五  
行羅和舊作老鶲今改 六頁後一行庫庫舊作  
擴闊今改 七頁前二行納恰舊作那叱今改  
七頁前三行扎拉烏蘭舊作扎刺甕刺今改  
卷六第一頁前四行曼濟舊作蠻子又阿爾烏蘇舊  
作阿里溫沙今並改 前五行察奇爾舊作察伋  
今改後倣此

卷六第三頁前一行珠爾舊作駒兒今改 前五行巴

圖舊作拔突今改 四頁後五行特固勒德爾舊作

鐵骨搭今改 四頁後六行特宣使舊作鐵宣使

今改 四頁後七行鐵骨搭應作特固勒德爾因

係詩句未便改易姑仍其舊 五頁前二行骨搭

應作固勒德爾因係詩句未便改易姑仍其舊後

倣此 十頁後三行拜珠格爾舊作拜住哥今改

後四行穆爾古蘇舊作邁里古思又拜珠舊作拜

住今並改 十三頁前三行布哈舊作普化又特穆

舊作鐵木今並改



總校官進士臣胡榮

校對官編修臣沈清藻

謄錄監生臣張起隆